

Lappi pue'rrvââjjamvu'u'd  
vu'vddhalltõs

LAPHA/7/00.00.01.00/2022

## 378 § Sää'mkiõl lu'vddkåå'dd piijmõš

Lappi pue'rrvââjjamvu'u'd vu'vddhalltõs 378 § 4.10.2023

Tâ'vv-Lää'ddjânnam vaaldšemvuõiggâdvuõtt lij kåå'mtam vu'vddvâlddõõzz tu'mmstõõgg sää'mkiõl lu'vddkåå'dd piijmõõžžâst (2.3.2022 § 10). Tu'mmstõk lij lää'jjviõkksaž.

Pue'rrvââjjamvu'vddlää'jj 33 § 6. momee'nt mie'ldd pue'rrvââjjamvu'u'dest, koozz kooll kå'dd, mii sâjddâtt saa'mi dommvoudda, lij sää'mkiõl lu'vddkåå'dd. Lu'vddkåå'dd vuâzzli'žžen va'lljeet sää'mkiõllsaž oummuid. Uu'ccmõsân 40 prosee'nt lu'vddkåå'dd vuâzzlain âlgg nõõmted Sää'mtee'ğğ da sää'mlää'jjest (235/1995) 42 §:st jurddum siidsåbbar e'tkkåam oummuin nu'tt, što siidsåbbar e'tkkad täin õõut oummu.

Sää'mkiõl lu'vddkåå'dd tuâjj lij:

- 1) čiõlgeed, ärvtõõllâd da ceä'lkked tõ'st, mâ'htt vu'vddvâlddõõzz tu'mmstõõgg vaikkte kiõl'laž vuõiggâdvuõđi vue'kken åarra teâuddjumša;
- 2) čiõlgeed, ärvtõõllâd da meä'rted tõi kääzzkõõzzi taarb, koid pue'rrvââjjamvu'u'dest ta'rjeet minorite'ttkiõlle di čuâvad tai kääzzkõõzzi vuâžžmõõžž da kvalitee'tt;
- 3) čiõlgtõõzzi, ärvtõõllmõõžž da seu'rrjummuž vuâđald tuejjeed vu'vddhalltõ'sse e'tkkõõzzid tåâimin, koin vuei'tet viikkâd oudâs kiõllminoritee'tt kääzzkõõzzid da kääzzkõskuâllsid, meä'rted tuâjjlažkåå'dd kiõllsilttõsõõlgtummžid da ouu'deed sij kiõllsilttõõzz.

Lu'vddkåå'dd âlgg u'vdded vu'vddhalltõ'sse čiõlgtõõzz piiri-ii'jji kiõllminoritee'tt kääzzkõõzzi teâuddjumšest. Vu'vddhalltõs oudd vu'vddvâlddõ'sse ciâlkâlm tåâimin, kook lie taarblaž lu'vddkåå'dd ouddam čiõlgtõõzz vuâđald.

Lu'vddkåå'ddest vuei'tte lee'd še jee'res vaaldšemvuâkkõõžžâst mie'rruum tuâj.

Lu'vddkåå'dd saaggjåå'đtee'jest lij vuõiggâdvuõtt lee'd päi'kk â'lñn da mainsted vu'vddhalltõõžžâst. Lappi pue'rrvââjjamvu'u'd vaaldšemvuâkkõõzz mie'ldd sää'mkiõl lu'vddkåå'dd saaggjåå'đtee'jest lij vuõiggâdvuõtt lee'd päi'kk â'lñn da mainsted še vu'vddvâlddõõžžâst.

Pue'rrvââjjamvu'vddlää'jj 37 § mie'ldd tåimmorgan vuâzzlaid va'lljeet vu'vddvâlddõ'sse tåimmpââ'j vääras, jõs vu'vddvâlddõs ij leäkku tu'mmjam, što sij tåimmpââ'jj lij vuâ'nkab ko vu'vddvâlddõõzz tåimmpââ'jj, le'be jõs mâ'ñglest jeä't jee'resnalla šiõtted. Jõs

Lapin pue'rrvââjjamvu'vdd  
vu'vddhalltõs

tåimmorgaan va'lljad juâggtõõzz vuâzzlaid, tõt tu'mmai še sij tåimppâ'jest. Tåimkkåå'dd piijât jäänmõsân tõn piijâm tåimmorgaan tåimppâjja.

Pue'rrvââjjamvu'vddlää'jj 38 § mie'ldd vu'vddvâlddõs le'be jee'res va'lljumšest va'stteei tåimmorgaan va'lljad vuâzzli'žžen va'lljuum oummuin tåimmorgaan saaggjåå'dteei da taarbšallaš meä'r väärrsaaggjåå'dteejid. Saaggjåå'dteei da väärrsaaggjåå'dteejid va'lljeet seämma vaaltååimtõõzzâst. Vu'vddvâlddõs vuäitt tu'mmjed, što vu'vddvâlddõõzz da vu'vddhalltõõzz saaggjåå'dteei da väärrsaaggjåå'dteei di lu'vddkåå'ddi saaggjåå'dteei tåimma vuei'vtåimmsaž le'be vue'ssäiggsaž ouddooumžen.

Pue'rrvââjjamvu'vddlää'jj 76 § mie'ldd pue'rrvââjjamvu'vdd oskkumtoimmu vaalânnsaž lij oumaž:

- 1) kii lij kâ. pue'rrvââjjamvu'vdd aassi;
- 2) keä'st lij jiõnstemvuõiggâdvoõtt koon-ne pue'rrvââjjamvu'vdd dest tõn ee'jj, kuä'ss vâlddõsnii'kkid va'lljeet le'be vaal jee'res oskkumtoimmu tååimtet; da
- 3) keän jeä't leäkku čuõjtam vä'jjvâlddõsi'žžen.

Neezzni da oummui kõskksaž tää'ssäärvast u'vddum lää'jj 4 a § mie'ldd pue'rrvââjjamvu'vdd, pue'rrvââjjamõhttõõzz da pue'rrvââjjamvu'vddi kõskksaž õhttsažtååim tåimmorgaanin, lokku vää'ldkani vu'vddvâlddõõzzid, â'lğge lee'd kuhttu neezzan da ålmma uu'ccmõsân 40 prosee'nt, gõõi ij spesiaalmaa'nest leäkku jee'resnalla.

Lapin pue'rrvââjjamvu'vdd vaaldšemvuâkkõõzz 18 § mie'ldd sää'mkiõl lu'vddkådda va'lljeet 13 vuâzzlaid, koid vu'vddvâlddõs va'lljad. Vu'vddvâlddõs va'lljad vuâzzlain saaggjåå'dteei da väärrsaaggjåå'dteei. Lu'vddkåå'dd vuâzzli'žžen va'lljeet sää'mkiõllsaž oummuid. Vuâzzlain (6) nõõmtet Sää'mtee'ğğ da sää'mlää'jjest (235/1995) 42 §:st jurddum siidsåbbar e'tkääm oummuin nu'tt, što siidsåbbar e'tkkad täin õõut oummu. Juõ'kk vuâzzlast lij personpuõttlõs vää'rrvuâzzlaž.

## E'tkkõs

## Pue'rrvââjjamvu'vddjåå'dteei

Vu'vddhalltõs tu'mmai e'tkkee vu'vddvâlddõ'sse, što vu'vddvâlddõs tu'mmai

1. piijâd sää'mkiõl lu'vddkåå'dd;
2. va'lljeed lu'vddkåå'dd vuâzzlain õõut saaggjåå'dtee'jen da õõut vää'rrsaaggjåå'dtee'jen.

## Lää'ssteåd

Lää'kkåa'sši jåå'dteei Miikka Ruokamo  
te'l. 040 843 5067  
miikka.ruokamo@lapha.fi



**lappa.fi**

Lapin hyvinvointialue  
Lappi buresveadjinguovlu  
Lappi pyereestvaijeemkuávu  
Lappi pue'rrvââjjamvu'vdd

Sååbbarpei'w  
4.10.2023

Lappi pue'rrvââjjamvuu'd  
vu'vddhalltõs

**Tiu'ddepiijmõš**

E'tkkõs vu'vddvâlddõ'sse